

ACTA DA SESIÓN EXTRAORDINARIA CELEBRADA POLO CONCELLO PLENO O DÍA 23 DE NOVEMBRO DE 2017

No Salón de Sesións da Casa Consistorial do Concello de Muras, o día 23 de novembro de dous mil dezasete, reúneose o Concello Pleno para celebrar, en primeira convocatoria, sesión pública extraordinaria, baixo a presidencia do Sr. Alcalde DON MANUEL REQUEIJO ARNEJO e con asistencia dos Concelleiros:

DONA BELÉN CHAO RAMIL
DON CARLOS CARBALLÉS PENABAD
DON MARIO ROUCO REI
DON JOSÉ DANILO REQUEIJO CASTRO
DON JOSÉ PAJÓN PENABAD

Non asiste a Concelleira dona Rosario Celia Rey López.

Da fe do acto a Secretaria do Concello dona Silvia Lamelas Soto.

Sendo as dezaoito horas e trinta e nove minutos pola Presidencia declarase aberta a sesión.

De seguido sométense a debate e aprobación os seguintes asuntos:

1º.- APROBACIÓN, SE PROCEDE, DO INICIO DO EXPEDIENTE DE INVESTIGACIÓN DE OFICIO DOS MONTES DA GAÑIDOIRA.

MANUEL REQUEIJO ARNEJO, ALCALDE-PRESIDENTE DO CONCELLO DE MURAS (LUGO)

Considerando as actuacións seguidas ante órganos xurisdiccionais que afectan Montes da Gañidoira polígono 46, parcela 24.

Considerando os informes e estudos necesarios para determinar si concorren os orzamentos para o exercicio da potestade.

Realizada a tramitación legalmente establecida e visto o Informe de Secretaría de data 17 de novembro de 2017, proponse ao Pleno a adopción do seguinte

ACORDO

PRIMEIRO. Elaborar os informes e estudos necesarios para determinar si concorren os orzamentos para o exercicio da potestade investigadora.

SEGUNDO. Incoar expediente de investigación da titularidade dos Montes da Gañidoira polígono 46, parcela 24 que presuntamente pertencen á Corporación Local e solicitar dos Rexistros que procedan cants antecedentes e datos consten relativos aos bens investigados, incorporándose ao expediente as certificacións que se expidan a este efecto.

TERCEIRO. Publicar o acordo de iniciación no Boletín Oficial da; ademais estará a disposición dos interesados na sede electrónica do Concello www.muras.gal.

Así mesmo expor no taboleiro de anuncios do Concello de Muras en que radiquen os bens un exemplar de devandito boletín durante un prazo de quince días.

CUARTO. Dar traslado do acordo de iniciación á Administración Xeral do Estado e á da Comunidade Autónoma para que, no seu caso, poidan facer valer os seus dereitos e alegar o procedente.

QUINTO. Notificar aos afectados polo expediente de investigación que resulten coñecidos e identificables.

SEXTO. Abrir trámite de información pública por prazo dun mes, contado desde o día seguinte ao que deba darse por terminada a publicación dos anuncios no taboleiro da Corporación, para que as persoas afectadas polo expediente de investigación poidan alegar por escrito canto estimen conveniente ao seu dereito ante a Corporación, acompañando todos os documentos en que funden as súas alegacións.

SÉTIMO. Finalizado o prazo para presentar alegacións, abrir un período de proba por prazo de VINTE DIAS no que serán admisibles os seguintes elementos:

- Os documentos públicos xudiciais, notariais ou administrativos outorgados con arranxo a Dereito.
- O recoñecemento e ditame pericial.
- A declaración de testemuñas.

OITAVO. Practicadas as probas e valoradas polos Servizos da Corporación, pór de manifesto o expediente ás persoas a quen afecte a investigación e houberen comparecido nel, para que, durante un prazo de 10 días, aleguen o que crean conveniente ao seu dereito.

Non obstante o Pleno adoptará o que estime oportuno

Sr. Alcalde:

Ben, como xa sabedes ao respecto dos montes da Gañidoira, e fragas de Ximarás, existe una reclamación por parte dos veciños, eu creo que xa dende o momento en que foron... non sei se usurpados ou roubados ós veciños da zona da Xestosa e da zona de aquí das Cabanas, de Muras. E a partir desta cuestión, dende este equipo de governo nesta lexislatura, vendo que isto non se resolvía e tratando de dar una solución a isto dunha vez por todas, pois o primeiro que fixemos foi buscar documentación ao respecto deste expediente, deste consorcio, que se fala do Consorcio dos montes da Gañidoira, coa Icona, coa Xunta, coa Deputación. En fin o que hai no Concello de documentación é isto que vos ensino, esta carpetiña, que non é nada e as actas dos plenos. Estes son dous libros de actas, pero hai actas... non son todas referidas aos montes da Gañidoira, pero si que se fai mención en moitos deles sobre o tema dos montes da Gañidoira. Ben, no ano cincuenta e dous celebrouse, non neste Concello pero si a Corporación municipal do momento, acordou nun punto determinado a repoboación forestal, unha repoboación forestal cesión en Consorcio á Deputación provincial da cuarta parte dos montes declarados de utilidade pública denominados Gañidoira e Seixo Branco, sen prexuízo da propiedade do solo con fins da repoboación forestal. En ningún sitio e por moito que busquei e que falando coa Xunta lles pedín que me mostrasen onde estaba a cesión dos particulares, non me souberon dicir onde estaba a cesión dos particulares dos montes nin neste concello había ningunha cesión ao respecto diso. Ben, así vanse pois durante a ditadura, pois entendo que as cousas se farían porque si, pola forza, e tiñas que ceder e non che quedaba ningún outro camiño respecto disto pero si que no ano oitenta e un, o vinte e catro de abril do oitenta e un, xa estaban plantados os montes e a propiedade non era dos veciños, ou a plena propiedade non era dos veciños, áinda que si que se seguía reclamando. Polo menos eu que son de aquí, me criei aquí, sempre me dixeron que os montes foran roubados e que éramos propietarios de determinado terreo de monte coma o resto dos veciños, non?. Entón o vinte e catro de abril do oitenta e un rescíndese o Consorcio entre a Deputación de Lugo e o Icona e en todo este proceso da reforestación, de plantación de árbores había tres entidades, por un lado o Concello, por outro lado a Deputación de Lugo e por outro lado o Icona. Ben, o vinte e catro de abril do oitenta e un rescíndese este consorcio entre a Deputación e o Icona e quedando adheridos ao consorcio os propietarios dos predios, e si supostamente hai propietarios, e eu entendo que sí, os propietarios entendo que deberían ter recibido esta información e deberían ter elixido ou ben adherirse a un novo convenio, liquidar o consorcio no cal foran metidos á forza, que podemos entendelo así, ou ben transformar o consorcio nun novo convenio. Isto aconteceu como dicía, o vinte e catro de abril do oitenta e un, e eu que me conste, non se tomou ningunha decisión aquí no Concello nin ós veciños se lles informou. Eu non teño constancia diso, se algún dos presentes lembrades que se vos informasen diso o podedes dicir. Ben, e neste histórico de distintos actos que se foron tomando ao respecto dos montes da Gañidoira, ben, o último que eu teño constancia e que aparece recollido nos documentos, que ó final é o que importa, o Pleno da corporación do Concello de Muras en sesión extraordinaria, por certo remexendo hoxe, bueno revisando as actas... o vinte e catro de



abril do oitenta temos aquí unha sesión ordinaria do vinte e oito de marzo do oitenta e un, e a posterior tamén, cando xa formaba parte da corporación Daniel Requeijo Castro.

Ben, pero no oitenta e un púidose ter feito isto, e estamos a dous mil dezasete e sigue isto... sen estar clara a propiedade dos terreos. E o último que vos ía a comentar, que en sesión extraordinaria de data doce de marzo do dous mil catro acordouse aprobar no inventario de bens e dereitos da Corporación incluir os terreos de Monte da Gañidoira e fraga de Ximarás. Ben, na acta consta que o alcalde, o anterior alcalde que aquí estaba, di textualmente: "Isto se inclúen porque así o di a lei, se ben é de todos coñecido que o Concello non é o propietario dos terreos que son dos veciños, e dicir no sei a que lei se refería porque non hai ningunha lei que nos obrigue aos alcaldes a inventariar algo que sabemos que non é propiedade do Concello. Isto se fixo nunha sesión extraordinaria de doce de marzo de dous mil catro e en marzo de dous mil catro formaban parte deste pleno entre outros, o señor Issam Alnagm Azzam e doña María Teresa Chao Pernas entre outros. Ben, estes son os últimos acordos que un teño que se puideron obter da documentación que temos aquí. A maiores disto o oito de xuño de dous mil catro o Xurado Provincial de montes veciñais en man común decide non clasificar o monte da Gañidoira como monte veciñal en man común e sí os da Fraga de Ximarás. Hai un xuízo, hai un recurso e ao final nese xuízo realmente dilucidábase unha cuestión distinta. O tema que se estaba dilucidando por parte do Xurado Provincial de montes en man común era se os montes da Gañidoira eran uns montes que formaban parte ou que estaban en man común, iso foi o que se dilucidou nese xuízo, non se eran os veciños os propietarios ou non. Este é un tema distinto que este expediente de investigación é o que vai ter que resolver. E así pasando os anos si é certo que no dous mil quince, o dezaseis de setembro de dous mil quince, e vinte e tres de outubro de dous mil quince o Partido Popular de Muras rexistrou dúas mociones instando á Corporación a Regularizar a situación da Fraga de Ximarás e os Montes da Gañidoira. Ben, estamos neste momento a intención deste equipo de governo e deste alcalde é resolver esta cuestión sobre a propiedade dos montes e entendemos, ou eu entendo e este equipo de governo quere entender, que os veciños son os verdadeiros donos dos montes, o recoñecemos na realidade que vivimos aquí, pero hai un procedemento que nos obriga a lei, e mais nos temos unha responsabilidade ao ser cargos públicos debemos defender pois os intereses do Concello e este é o motivo de vir aquí e tomar este acordo que é iniciar un procedemento de investigación, que serían unha serie de pasos. Non sei onde está, Silvia, o informe onde se recollen os pasos... Ben, pois neste contexto que acabo de explicar o que traemos a Pleno é aprobar un acordo, de todos xeitos non sei Danilo, se queres decir algo a este respecto.

Sr. José Danilo:

O martes xa tivemos unha reunión informativa entre os da comisión, pero eu aquel día non tiña os papeis e aquí hai moitos sitios e moitas que se presentaron pola cuestión de cando foi para declaralo en man común, e presentouse aquí tanto a Fraga de Ximarás coma a da Gañidoira, bueno e Seixo Branco, e bueno... Seixo Branco xa se entregara, que daquela nosoutros non tiveramos ningún problema, entregáramolo nosoutros no oitenta ou por aí, no oitenta ou por aí, ou no oitenta e un, daquela cando estivera eu na Corporación. Entregárse o Seixo Branco ós do Viveiró. E aquí o que pon, ben non o vou a ler todo porque son os límites tanto da Fraga de Ximarás coma do ese.... *"pertenece al ayuntamiento en concepto de propios, pon o Ayuntamiento, ...desde tiempos inmemorables, desconociéndose los títulos de adquisición,* que eles non teñen títulos de adquisición. *Actualmente se hayan repoblados dichos montes en una superficie de ciento veintidós hectáreas,* esta é a fraga de Ximarás, *de las cuales setenta y dos han sido con el Consorcio de la Diputación Provincial y no están inscritos en el Registro de la Propiedad,* tanto pon o de Ximarás como o da Gañidoira. O que di é que son deles pero eles non teñen constancia ningunha nin documentos. De tempos inmemorables fálase do ano trinta e un. Despois outras cousas aquí hai no ano cincuenta e un, xa foi o que dixo algo aí Manolo. Di... *ceder para este consorcio para la repoblación sin perjuicio de la propiedad del suelo,* que son dos paisanos, que son dos que teñen a escritura. Cederon, pero a propiedade segue sendo dos paisanos. Ben, a propiedade é do que ten as escrituras que non é do Ayuntamiento. Aquí tamén se inclúa a Fraga de Ximarás, e despois no cincuenta e sete *cediendo un trozo de terreno de monte de*



Fraga de Ximarás, que ha sido repoblado sin autorización. Na Fraga de Ximarás tamén repoboaron no cincuenta e sete sen autorización, sen permiso ningún que é o que consta, o que pon no Ayuntamiento. No sesenta e dous... *el Ayuntamiento cede los terrenos de su propiedad,* aquí xa di que é da súa propiedade pero antes di que non é da súa propiedade, pon propio pero que non sabe de onde viñeron... *Seixo Blanco y Gañidoira, para ser convertidos en pastizales, al Patrimonio Forestal del Estado,* porque había un consorcio porque como non se daban os pinos para facer pastizales e os mais vellos acórdanos, que querían facer pastizales na Gañidoira.

Os veciños comentan o que lembran de que se ían a facer os pastizais nalgún deses montes, noutros non lembran que se tivera falado nada diso.

Sr. José Danilo:

Ben, aquí no sesenta e seis, queda trazado el plan para aprovechamiento forestal en la Gañidoira, no sesenta e sete, se da conformidad a la cuenta presentada por Patrimonio Forestal para la mejora en el período mil novecientos sesenta cuatro - mil novecientos sesenta y cinco na Frga de Ximarás que tamén se ía a mellorar pero non se mellorou nada, ó final fixeron o que lles deu a gana, e despois nun acta de reconocimiento de los montes denominados Fraga de Ximarás, que era o deslinde que era o número setenta e oito, no Catálogo de utilidade pública da provincia de Lugo, pertencente á parroquia de Muras, San Pedro de Muras. Ben, hai moito rollo pero... vou ao final que é o que mais interesa, despois se Silvia quere déixolle o chisme este. *El Sr. Alcalde y concejal asistente manifiestan no haber intervenido en tal delimitación en momento ninguno,* bueno, que non foron delimitar, aí viñeron delimitar á Fraga de Ximarás tanto o que era monte do Patrimonio, o que era monte que dicían que era de Patrimonio, pero o Ayuntamiento dixo que non fora ó deslinde, *nin siquiera han sido requeridos para ello, manifestando igualmente que el monte Fraga de Ximarás con número setenta y ocho no se haya en el Consorcio como Patrimonio Forestal de Estado.* O monte de Ximarás está libre do consorcio, o monte de Ximarás agora o único que hai é que está a nome do Concello no Catastro polo demais está libre.

Sr. Alcalde:

Danilo, pero aquí o que nos interesa é que os veciños non teñen o pleno dominio ou a plena propiedade sobre eses montes, todo isto que di ti dis si que existe nos expedientes pero ben aquí levamos sesenta e un anos esperando que se solucione este problema porque bueno entendemos que foron uns terreos, ti o coñeces coma a min, non sei si poido decir isto ou non, en fin, foron terreos que foron roubados, que foron roubados pola forza, se sancionou a xente porque lle escapaba o gando para ir ao monte e aquí aos veciños o único que se fixo foi darles voltas, xuntanza pa riba, xuntanza para abaxo. Eu son mais novo ca ti, pero me lembro diso e a min me parece Danilo, que rirse da xente por desconecemento, non rirse, abusar da xente por desconecemento, porque a xente non saiba, ou porque non teña información me parece moi triste. E a cuestión de todo isto é que o Partido Popular estivo gobernando vinte e cinco anos en Muras e o único que fixo cos montes da Gañidoira foi metelos no inventario municipal e este é o problema que temos agora enriba da mesa, que iso non se quita tan facilmente non é un acordo plenario porque temos un pleno que tomou esa decisión e agora hai que desfacer iso. E hai que desfacer iso e é un tema moi complexo. Claro, todo o que ti falas para atrás é certo, todo iso aconteceu pero aquí hai momentos ao longo da historia coma no ano oitenta e un onde non sei, ti estabas nunha Corporación e o Consorcio se desfixo, e nese momento os veciños tiñan a ocasión ou polo menos deberían ter recibido a información e dicirllles, queredes seguir no consorcio? Porque entraron nel á forza, porque realmente eles no tomaron esa decisión. Eu non me consta en ningunha casa da Xestosa, ou da Cabana, ou de Musdradas onde haxa un documento, no cal, ou na Paleira, onde haxa un documento onde os veciños ceden os montes para que se repoboara, non me consta, entón esta é a situación que temos agora, claro o resto e contarles literatura ós veciños, contarles literatura e dicirllles, sí, vamos a resolver o tema dos montes pero eu xa teño corenta e tres anos e dende que son pequeníño está este problema enriba da mesa e ninguén llo solucionou.



Sr. José Danilo:

Eu iso xa o falei moitas veces, Manolo, xa falei moitas veces a cuestión que eu son vello pero ninguén me ten a culpa. O monte plantárono a golpe de seu fusil ía a Garda Civil, os vellos acórdano.

Un veciño comenta que recorda como obligaban a firmar a cesión, que por desgracia daquela todos eran analfabetos, cando el era un pequeno de dez anos ou así, que recorda que o ían a firmar a Ximarás á carreteira.

Sr. José Danilo:

Sen embargo aquí non consta nada diso, non aparece nada que é o que estaba dicindo eu, que hai acordos hai cousas de antes nos que xa veñen dende atrás, recoñecido de que estes non son montes do Ayuntamiento, que son montes dos veciños. Despois no dous mil sete e no dous mil catro cando foi para declaralo presentamos as escrituras, que teño aquí, todos estes son os veciños que presentaron as escrituras, son os donos dos terreos.

A fraga de Ximarás e o resto tamén o podemos sacar do Catastro a noso nome pero a cuestión dos montes vai saír unha nova lei de montes, está a punto de saír, non sei se sairá este mes, o mais seguro, ou para o mes que ven e ao mellor era beneficioso, pero os trámites pódense ir facendo. Pero vai a saír outra lei de montes e polo que se di que vai a ser mellor que esta.

Sr. Alcalde:

Claro, de todos os xeitos Danilo, non entendo como ti tes esa documentación e non a ten o Concello, porque esa documentación...

Sr. José Danilo:

Esa documentación foi a que se levou ao, como se di... ao xuízo, ao contencioso, esa foi a que se levou ao contencioso.

Sr. Alcalde:

Ben, pero aí o tema que se debatía era unha cuestión distinta, era si o monte era un monte veciñal en man común ou non, ben aquí estamos dilucidando outra cousa, é unha cuestión distinta, que aparece que o Concello é o titular dos montes e en principio no hai una escritura que acredite que o Concello é o titular dos montes entón hai que iniciar un expediente investigación. Cada veciño imaxino que tedes as escrituras dos vosos montes que ao iniciar este procedemento de investigación é onde o tedes que presentar. Non, retirar... retiralo do inventario Panchiño, retirar do inventario municipal entón a proposta que se traia aquí para resolver esta cuestión é primeiro elaborar os informes e os estudios necesarios para determinar si concorren os orzamentos para o exercicio da potestade investigadora, iniciar ou incoar expediente de investigación da titularidade dos montes da Gañidoira, polígono corenta e seis, parcela vinte e catro que presuntamente pertencen á Corporación Local e solicitar dos rexistros que proceda cantos antecedentes e datos consten relativos aos bens investigados, incorporándose ao expediente as certificacións que se expidan a este efecto. Despois un terceiro paso será publicar o acordo de iniciación no Boletín Oficial da Provincia ademais de na sede electrónica da páxina do Concello, www.concelodemuras.gal e expoñerese no taboleiro de anuncios do Concello un exemplar dos devanditos boletíns durante un prazo de quince días. Daremos traslado do inicio deste expediente de investigación á Administración Xeral do Estado e da Comunidade Autónoma para que poidan facer valer os seus dereitos e alegar o que consideren oportuno e quinto notificar aos afectados polo expediente de investigación que resulten coñecidos e identificables, neste caso todos os veciños que teñan parcelas nos montes da Gañidoira, e fraga de Ximarás e abriremos un trámite de información pública por prazo dun mes contado dende o día seguinte ao que deba darse por determinada a publicación dos anuncios no taboleiros da Corporación, para que aquellas persoas afectadas polo expediente de investigación podan alegar por escrito canto estimen conveniente ao seu derecho ante a Corporación, acompañando todos os documentos en que funden a súas alegacións. Finalizado o prazo para



presentar alegacións abrírase un período de proba por prazo de vinte días no que serán admisibles os seguintes elementos, documentos públicos xudiciais notariais ou administrativos outorgados con arranxo a dereito, recoñecemento e ditame pericial e as declaracóns de testemuñas e por último practicadas as probas e valoradas polos servicios da corporación por de manifesto o expediente a quen afecte a investigación e quen houberan comparecido nel para que durante un prazo de dez días aleguen o que creen convinte ao seu dereito e despois ben, o pleno adoptará o que estime oportuno. Pero ben, estes serán os pasos que se van a dar con vistas a aclarar o que é a propiedade dos montes da Gañidoira, no polígono corenta e seis, parcela vinte e catro, monte da Gañidoira e fraga de Ximarás. E isto é o que temos que votar.

Sometese o asunto a debate.

O Concello en Pleno, en votación extraordinaria por seis votos a favor, acordan aprobar o inicio do expediente de investigación de oficio proposto.

Sr. José Danilo:

Silvia a lei de montes é do oitenta e seis?, non o sabes, non?.

Sr. Alcalde:

Danilo, perdoa que te corrixa, isto non é unha cuestión de lei de montes é un tema de propiedade. É un tema de propiedade que no ano dous mil catro, a Corporación que existía no seu momento dixo que o Concello era o dono deses montes, iso é o que estamos tratando de aclarar aquí, por iso se inicia un expediente de investigación Danilo.

Sr. José Danilo:

Pero, como ía decir o Concello que era o dono deses montes se esta xente cobrou todo polos eólicos? Perdón, como ía decir iso o Ayuntamiento, se o Ayuntamiento non cobrou nada da cuestión dos eólicos. Ben, pode decir aí, pero as empresas a quen pagaron foi aos donos dos terreos.

Sr. Alcalde:

Danilo, non me contes literatura. Isto é un documento oficial e é certo que os propietarios dos terreos cobraron polas expropiacións das eólicas, pero non teñen o pleno dominio, e eu entendo Danilo, que isto se fixo porque viro que había un maná, dos parques eólicos, e tiñan pensado cubrir o Concello de Muras con parques eólicos por todos os lados, esta é unha historia que habería que contar, ou a xente do teu partido tería que contar porque se fixo isto. Meter no inventario municipal uns montes, uns terreos dos cales non hai escritura, nin hai ningún documento que acredite que o Concello é o titular disto. Habería que explicalo. E aquí estaba a túa muller... o que non se pode e ir dando tumbos pola vida. Levamos sesenta e un ano...

O que non se pode facer Toñito, é enganar á xente, as cousas son como son e hai unhas actas de pleno que recollen esta cuestión, e a decisión tomouse.

Sr. José Danilo:

O Ayuntamiento cobrou once mil douscentos un, o Ayuntamiento, que os propietarios non cobraron nada. Por parte dos propietarios, que isto é o que ten a Xunta, cobraron once mil douscentos un, que o cobrou o Ayuntamiento, o Ayuntamiento dixo que o ía meter na Caixa, na conta aí na Caixa, e ademais está aquí cando foi cobrando, mira... dende o oitenta e dous, dende o oitenta e dous están aquí as fechas de cando cobrou. A Xunta cobrou once mil cento trinta e dous, pouco mais cobraron un ao outro.



E a cuestión dos montes diso, foi o que dixen antes entregáronse a punta de pistola e áinda se ían entregar mais soamente que o alcalde que había, pasando o rego do Saramancan pa aquí era propiedade de seu sogro e xa non seguiron plantando, o demais seguían plantando e andaban, que eu son vello e Ramiro sábeo, e a xente vella, andaban os gardas civiles có subfusil.

Sr. Alcalde:

No dous mil catro xa non había iso.

Sr. José Danilo:

No dous mil catro non pero antes si, e no dous mil catro era cando estaba coa cuestión do monte en man común que foi cando estaban co expediente pa que non o declararan en man común.

Sr. Alcalde:

Ben, o segundo punto da orde do día...

Sr. José Danilo:

E outra cousa podédesmo dicir pero iso non mo podes dicir porque o teño aquí, e áinda estaba aquí, velo aquí está que non sei se ti o coñeces pero eu o coñezo, Xavier Núñez, este home é do teu partido e este home eu teño estado con el alí pa liquidar o monte cando había o tripartito en Lugo e se vamos xunta del áinda me coñece. Mira os anos que hai... sen cobrar un duro.

Sr. Alcalde:

Ninguén che discute iso, Danilo.

2º.- APROBACIÓN, SE PROCEDE, DO NOMEAMENTO DA CONCELLEIRA BELÉN CHAO RAMIL COMO REPRESENTANTE DO CONCELLO DE MURAS NO CONSELLO ESCOLAR.

MANUEL REQUEIJO ARNEJO, Alcalde-Presidente do Concello de Muras (Lugo), de conformidade coas atribucións que lle corresponden, ten a ben elevar ó Pleno a seguinte:

PROPOSICIÓN

O artigo 38 do Regulamento de Organización, Funcionamento e Régime Xurídico das Entidades Locais, dispón que o Pleno debe nomear os representantes da Corporación nos órganos colexiados da súa competencia.

O artigo 126 da Lei Orgánica 2/2006, de Educación, establece que formará parte do Consello Escolar dos centros públicos, entre outros, un concelleiro ou representante do Concello en cuxo termo municipal esté radicado o centro,

Considerando que dona Belén Chao Ramil é a persona adecuada para representar ó Concello nos consellos escolares, xa que ás competencias da área de educación son as más axeitadas dentro da área da súa concellería, e estimando que é a persoa adecuada elevo ó Pleno a adopción do seguinte acordo:

NOMEAR representante deste Concello no Consello Escolar de todos os centros públicos de ensinanza radicados neste Municipio, ó abeiro do disposto no artigo 126 da Lei Orgánica 2/2006, de Educación, á concelleira dona Belén Chao Ramil.

Non obstante, o Concello Pleno acordará o que estime pertinente.

Sr. Alcalde:



Ata este ano, nos dous anteriores, Belén viña desempeñado o cargo de representante do Concello no colexio temos que volver a nomeala có visto e prace do Pleno, coa aprobación do Pleno.

O Concello en Pleno, en votación extraordinaria por seis votos a favor, acordan aprobar o nomeamento da Concelleira Belén Chao Ramil como representante do Concello de Muras no Consello escolar.

3º.- APROBACIÓN, SE PROCEDE, DE COMPLEMENTOS DE PRESTACIÓN DA SEGURIDADE SOCIAL DO PERSOAL FUNCIONARIO E LABORAL DO CONCELLO DE MURAS.

MANUEL REQUEIJO ARNEJO, ALCALDE-PRESIDENTE DO CONCELLO DE MURAS (LUGO)

Visto o artigo 9.1 do Real Decreto Lei 20/2013, de 13 de xullo de medidas para garantir a estabilidade orzamentaria e o fomento da competitividade que sinala:

Artículo 9 Prestación económica en la situación de incapacidad temporal del personal al servicio de las Administraciones Públicas, organismos y entidades dependientes de las mismas y órganos constitucionales

1. La prestación económica de la situación de incapacidad temporal del personal al servicio de las Administraciones Públicas y órganos constitucionales se regirá por lo dispuesto en este artículo.

2. Cada Administración Pública, en el ámbito de sus respectivas competencias, podrá complementar las prestaciones que perciba el personal funcionario incluido en el Régimen General de Seguridad Social y el personal laboral a su servicio en las situaciones de incapacidad temporal, de acuerdo con los siguientes límites:

- 1.º Cuando la situación de incapacidad temporal derive de contingencias comunes, durante los tres primeros días, se podrá reconocer un complemento retributivo hasta alcanzar como máximo el cincuenta por ciento de las retribuciones que se vengan percibiendo en el mes anterior al de causarse la incapacidad. Desde el día cuarto hasta el vigésimo, ambos inclusive, el complemento que se pueda sumar a la prestación económica reconocida por la Seguridad Social deberá ser tal que, en ningún caso, sumadas ambas cantidades, se supere el setenta y cinco por ciento de las retribuciones que vinieran correspondiendo a dicho personal en el mes anterior al de causarse la incapacidad. A partir del día vigésimo primero, inclusive, podrá reconocerse una prestación equivalente al cien por cien de las retribuciones que se vinieran percibiendo en el mes anterior al de causarse la incapacidad.
- 2.º Cuando la situación de incapacidad temporal derive de contingencias profesionales, la prestación reconocida por la Seguridad Social podrá ser complementada, desde el primer día, hasta alcanzar como máximo el cien por cien de las retribuciones que vinieran correspondiendo a dicho personal en el mes anterior al de causarse la incapacidad.

Visto que no ano 2012, o Concello de Muras non tomou a decisión de complementar as prestaciónns que pode percibir seu persoal funcinario e laboral nos casos de IT.

Visto que é importante respaldar os dereitos dos traballadores do Concello de Muras, e por iso polo que propóno ao Pleno a adopción do seguintes acordo:

COMPLEMENTOS ÁS PRESTACIÓNNS DE SEGURIDADE SOCIAL DO PERSOAL FUNCINARIO E LABORAL DO CONCELLO DE MURAS



Nos casos xerais de situación de incapacidade temporal derivada de continxencias común e por continxencias profesionais ou accidente laboral, os límites máximos a aplicar serán os seguintes:

- Enfermidade común ou accidente non laboral

Días 1 a 3: 50% das retribucións do mes anterior á situación de IT

Días 4 a 20: 75% das retribucións do mes anterior á situación de IT

Día 21 en adiante: 100% das retribucións do mes anterior á IT

- Situación que se contempla con carácter excepcional e debida xustificación e nos que a prestación recoñecida pola Seguridade Social se complementará durante todo o período de duración desta ao 100% das retribucións que se percibiran no mes anterior ao de causar a incapacidade:

I.T derivada de accidente grave ou moi grave (laboral ou non laboral)

I.T. derivada de enfermidade relacionada con discapacidade igual ou superior ao 33%.

I.T. derivada de enfermidades crónicas degenerativas, irreversibles, ou incurables (diálises, ou outras debidamente xustificadas).

I.T. derivada de tratamentos oncolóxicos.

I.T. que causen alteracións de roturas óseas dos traballadores para cuxa recuperación sexa necesario o tratamento específico domiciliario ou ambulatorio ou calquera outro tipo de alteración ósea ou de carácter muscular, tendóns e/ou ligamentos que non conlleve rotura.

I.T. derivada de recuperación post-operatorio.

I.T. de traballadores que cobren menos de 1,5% veces o salario mínimo interprofesional (non se lles aplica a redución salarial).

I.T. por risco no embarazo.

I.T. producida polo embarazo.

I.T. por enfermidades incluídas no Real Decreto 1148/2011.

Hospitalización

-Accidente de traballo e enfermidade profesional:

Complementaranse ao 100% as retribucións do mes anterior á situación de IT.

Este acordo entrará en vigor desde o momento que sexa publicado no Boletín Oficial da Provincia (BOP).

Non obstante, o Pleno acordará o que estime oportuno.

Muras, a 17 de novembro de 2017

O Alcalde,
Manuel Requeijo Arnejo

Sr. Alcalde:

Ben, este punto xurde a partir de que un traballador do Concello está de baixa por un accidente e o Concello non subscribiu no ano dous mil doce, creo que era o ano, bueno, un convenio no cal cando un traballador do Concello está de baixa compleméntaselle a súa prestación a cargo do Concello, para que non sufran un detimento no seu salario. Ben, en tódolos concellos se aprobou este complemento e entendo que nos non imos a ser menos. Entónces se trae esta cuestión aquí a Pleno para aprobarlo, para aprobar o complemento de prestacións da Seguridade Social do persoal funcionario e laboral do Concello de Mura. Non sei se queredes dicir algo.



Sr. José Danilo:

No, isto xa o falamos o outro día igual pero eu o que non sei como... é que aquí non se daba a xente de baixa, o demais en calquera empresa por aí os tres primeiros días xa o paga a empresa, non? Despois sigue pagando a Seguridade Social.

O Concello en Pleno, en votación extraordinaria por seis votos a favor, acordan aprobar o complemento de prestación da Seguridade Social do persoal funcionario e laboral do Concello.

4º.- APROBACIÓN, SE PROCEDE, DE NOVAS BASES DA CONVOCATORIA AXUDAS A ESTUDANTES, ANO DOUS MIL DEZASETE - DOUS MIL DEZAQUITO.

**BASES REGULADORAS DA CONVOCATORIA PARA A CONCESIÓN DE AXUDAS A ESTUDANTES
PARA O CURSO 2017-2018**

“EXPOSICIÓN DE MOTIVOS”

O artigo 80 do capítulo II da Lei Orgánica 2/2006, de 3 de maio, de Educación, refírese á compensación das desigualdades na Educación especificando que “co fin de facer efectivo o principio de igualdade no exercicio do dereito á educación, as Administracións públicas desenvolverán accións de carácter compensatorio en relación coas persoas, grupos e ámbitos territoriais que se encontren en situacións desfavorábeis e proverán os recursos económicos e os apoios precisos para iso”.

Máis concretamente, o artigo 83 da citada Lei establece taxativamente que “para garantir a igualdade a todos as persoas no exercicio do dereito á educación, os estudantes con condicións socioeconómicas desfavorábeis terán dereito a obter becas e axudas ao estudo. Na ensinanza postobrigatoria as becas e axudas ó estudo terán en conta ademais o rendemento escolar do alumnado”.

O acceso ó ensino é un dereito de toda a cidadanía, independentemente da súa situación económica e do seu lugar de residenciá. Ao grande esforzo que lle supón ás familias a compra do material escolar, roupa, calzado..., para os seus fillos e fillas, hai que engadirlle os gastos de transporte no ensino postobrigatorio, gastos estes últimos, moi superiores pola nosa condición de concello rural.

O Concello, como Administración pública máis próxima á cidadanía, pode e debe poñer todos os recursos económicos dos que poida disponer para contribuír, mediante o establecemento de bolsas de estudos, aos gastos que lles supón ás familias o ensino dos seus fillos/as. O investimento na educación é sempre unha garantía de futuro para calquera sociedade.

Xa que logo, desde o Concello de Muras considérase necesaria a creación dun sistema regrado de bolsas escolares para estudiantes do noso Concello.

1.- OBXECTO.

É obxecto das presentes Bases regular a concesión, en réxime de concorrencia non competitiva, de axudas a estudiantes do Concello de Muras para:



a) Compra de libros e material didáctico complementario para alumnos/as de educación infantil, primaria e secundaria.

b) Compra de libros e material didáctico, así como gastos de vivenda e transporte para alumnos de bacharelato, formación profesional e estudios universitarios.

O orzamento máximo para as devanditas axudas é de 9.600€ euros con cargo á aplicación 326.48100. dos orzamentos do concello de Muros.

2.- BENEFICIARIOS.

2.1.- Teñen a condición de beneficiarios os estudiantes que cumplen os seguintes requisitos:

a) Que o estudiante estea empadroad no Concello de Muros durante a totalidade do curso lectivo.

b) No caso de axuda para material didáctico complementario, que o alumno curse estudios de educación infantil ou primaria, en centros situados no Concello de Muros.

c) No caso de axuda por transporte e vivenda, que o estudiante curse estudios para os que fora necesario desprazarse ou aloxarse fóra do Concello durante a totalidade do curso lectivo.

d) No caso de axuda a estudiantes que cursen estudios universitarios, que o estudiante estea matriculado en titulacións de estudios oficiais ou propios da Universidade fóra do Concello durante a totalidade do curso lectivo.

e) No caso de educación postobrigatoria, que os estudiantes teñan superado o curso e pasen ao seguinte e no caso de estudiantes universitarios que teñan superado o 50% dos créditos das materias nas que se matricularon, sempre e cando a matrícula sexa superior a 48 créditos.

f) Que o beneficiario non teña axudas ou subvencións pendentes de xustificar ante o Concello de Muros.

Nos supostos dos estudiantes que, cumplindo os anteriores requisitos, sexan menores de idade, terá a condición de beneficiario o pai, nai ou tutor do mesmo.

2.2.- Os beneficiarios terán as seguintes obrigas ante o Concello de Muros:

- Cumplir a actividade obxecto da subvención

- Someterse ás actividades de control realizadas por parte do Concello para comprobar a veracidade dos actos consignados na documentación presentada, así como o cumprimento dos requisitos para a percepción da axuda e colaborar co Concello en ditas actuacións.

- Estar ao corrente no cumprimento das súas obrigas tributarias e ca Seguridade Social.



-Comunicar ante o Concello calquera modificación nas circunstancias esixidas para a concesión da axuda.

3.- SOLICITUDES.

3.1.- As solicitudes para a concesión da presente axuda formalizaranse no modelo de solicitud establecido a tal fin no **ANEXO I** e presentarse no rexistro xeral do Concello e deberán acompañarase da seguinte documentación:

- Fotocopia compulsada do DNI do solicitante e do estudiante. Fotocopia compulsada do libro de familia, no caso de que os nenos/as áinda non teñan DNI.
- Autorización para a comprobación por parte do concello do empadroamento no Concello de Muras do estudiante.
- Fotocopia compulsada da matrícula oficial de estudos ou certificado expedido polo centro, acreditativo de que o solicitante cursa estudos no mesmo.
- Certificado ou copia cotexada do expediente académico do curso anterior
- No caso de axudas para material didáctico complementario, factura de compra dos libros e material didáctico na que deberá constar a identificación do solicitante (ou pai/ nai/ titor/ gardador de feito) e o detalle do material adquirido, expedida cos requisitos previstos no RD 1496/2003, do 28 de novembro, Regulamento de facturación.
- No caso de axudas para aloxarse fora do municipio por motivos de estudio, copia do contrato de aluguer, onde figure como titular do contrato o solicitante así como copia dos xustificantes do pagamento (deberanse aportar ao remate do curso escolar)
- Certificado do solicitante de estar ao corrente nas súas obrigas tributarias e ca Seguridade Social.
- Copia cotexada da declaración do IRPF do último ejercicio presentado de todos os membros da unidade familiar, só no caso dos solicitantes de axudas para estudos universitarios. Nos casos en que non exista obriga de presentar declaración do IRPF, presentarase o certificado de renda emitido pola AEAT. En base aos datos proporcionados nese certificado, deducirase a cantidade correspondente por cónxuge e/ou por fillos/as sobre os rendementos brutos especificados.
- Datos bancarios do beneficiario para recibir a subvención.

3.2.- O prazo de presentación de solicitudes será de **vinte días naturais**, contando dende o día seguinte da publicación da presente convocatoria no Boletín Oficial da Provincia, publicación que irá acompañada de bandos no termo municipal para unha mellor difusión e publicidade da mesma e na páxina web oficial do concello www.muras.gal

4.- PROCEDEMENTO



4.1.- A instrución do procedemento corresponderalle a un traballador do Departamento de Servizos Sociais, que deberá avaliar as solicitudes presentadas e requirir as emendas que procedan para que as mesmas cumpran os requisitos esixidos nas presentes bases. O prazo de emendas será de dez días improrrogables; no suposto de que os defectos se consideren non emendables, o órgano instrutor proporá a non admisión.

4.2.- Avaliadas as solicitudes polo órgano instrutor, emitirase proposta de resolución por parte da Alcaldía.

4.3.- Contía máxima:

O importe máximo da axuda para cada un dos solicitantes admitidos será:

- Ata **50 euros** de axuda para compra de material didáctico a estudantes de infantil e primaria
- Ata **200 euros** de axuda para compra de libros, material didáctico a estudantes de Educación Secundaria Obrigatoria.
- Ata **900 euros** de axuda para compra de libros, material didáctico, transporte e vivenda a estudantes de F.P. e Bacharelato.

-No caso de estudiantes Universitarios:

- 1.000€** si os ingresos da unidade familiar non son superiores a 3 veces o IPREM
- 500€** si os ingresos da unidade familiar quedan entre 3 e 4 veces o IPREM
- 350€** si os ingresos da unidade familiar superan 4 veces o IPREM

En caso de que a suma de todos os importes das solicitudes superen o crédito reservado para tal fin, efectuarase un prorrato proporcional a todas as solicitudes.

5.- RESOLUCIÓN.

5.1.- O Alcalde, en base á proposta da Concellería correspondente, e previo o informe da Intervención Municipal, resolverá sobre a concesión ou denegación das axudas. A resolución conterá a relación dos beneficiarios e os importes das axudas, así como as solicitudes desestimadas coa motivación que proceda.

5.2.- A notificación da resolución definitiva realizarase antes do remate do curso en vigor. Esta resolución notificarase ós beneficiarios, de acordo co artigo 42 da Lei 39/2015, de 1 de outubro, do procedemento administrativo común das administracións públicas. A falta de notificación no prazo establecido lexitima aos interesados para entender desestimada por silencio administrativo a solicitude de concesión da subvención.

Asemade, a resolución de concesión publicarase no Taboleiro de Anuncios do Concello.



5.3.- Contra a resolución, que pon fin a vía administrativa, poderase interpoñer, de conformidade co preceptuado no artigo 123 e ss. da Lei 39/2015, de 1 de outubro, do procedemento administrativo común das administracións públicas, potestativamente recurso de reposición ante a Xunta de Goberno Local, no prazo dun mes contado a partir do seguinte ao da notificación da presente resolución, ou directamente recurso contencioso administrativo ante ao Xulgado do contencioso-administrativo, no prazo de dous meses contados dende o seguinte ao da notificación do acordo.

Todo iso, sen prexuízo de que poida interpoñer calquera outro que estime conveniente en defensa dos seus intereses.

6.- XUSTIFICACIÓN E PAGAMENTO

6.1.- Tratándose de axudas concedidas para aloxamento fora do municipio por motivos de estudo, requirirse a presentación de copia cotexada do contrato de aluguer onde figure como titular do contrato o solicitante, así como os xustificantes de pagamento do aluguer. Xunto coa solicitude deberase asinar unha declaración xurada de que o solicitante formalizou un contrato de alugueiro ou que o vai formalizar durante o curso. Deberase aportar esta documentación ao finalizar o curso escolar, e no caso de non ser aportada a axuda quedará revogada e procederá o reintegro da mesma.

Tratándose de axudas concedidas para libros e material didáctico a xustificación entenderase realizada coa presentación da factura dos gastos de adquisición dos libros, a unir á solicitude, de acordo co artigo 3 da ordenanza.

A falta de xustificación ou xustificación insuficiente dará lugar á perda do dereito da subvención por parte do beneficiario, polo que procederá a tramitación do reintegro da axuda por parte do órgano concedente e previo o informe da Intervención Municipal.

6.2.- O aboamento da subvención realizarase mediante ingreso por transferencia bancaria na conta sinalada polo beneficiario, no prazo de un mes dende o día seguinte a data da resolución.

7.- REINTEGRO

7.1.- Procederá o reintegro da axuda nos seguintes supostos:

- Falta de xustificación ou xustificación insuficiente
- Variación nas circunstancias que motivaron a concesión da axuda
- Demáis supostos previstos no artigo 37 da Lei Xeral de Subvencións

7.2.- O reintegro estará suxeito ás disposicións previstas ao respecto nos artigos 36 e seguintes da Lei Xeral de Subvencións.

8.- COMPATIBILIDADE DA SUBVENCIÓN



A concesión destas axudas será compatible con calquera outro tipo de becas ou subvencións.

Muras, a 31 de agosto de 2017

O ALCALDE.-

ASDO. Manuel Requeijo Arnejo.

ANEXO 1- SOLICITUDE DE SUBVENCIÓN

CONVOCATORIA PARA A CONCESIÓN DE AXUDAS A ESTUDANTES PARA O CURSO 2015-2017

Nome e apelidos da persoa que presenta a solicitude:

D./D^a _____ NIF _____

Enderezo _____ Municipio _____

Tfno. ou nº móvil _____ Endereço electrónico _____

Nome e apelidos da persoa PAI, NAI OU TITOR do alumno(no caso de menores de 18 anos):

D./D^a _____ NIF _____

Enderezo _____ Municipio _____

Tfno. ou nº móvil _____ Endereço electrónico _____

Tendo coñecemento da liña de axudas convocada polo Concello de Muras para a axuda ao estudo durante o curso 2016-2017, SOLICITO ao abeiro da mesma a concesión dunha achega para:

- a) Compra de libros e material didáctico complementario para alumnos/as de educación infantil, primaria e secundaria.
- b) Compra de libros e material didáctico, así como gastos de vivenda e transporte para alumnos de bacharelato, formación profesional e estudios universitarios.

E AUTORIZO ao Concello de Muras a realizar a comprobación do empadroamento neste concello do solicitante da axuda

NOTA: Xunto con este anexo, os solicitantes deberán achegar igualmente a documentación requirida no apartado 3 das bases desta convocatoria.

Muras, _____ de _____ de 2017



Sinatura do solicitante ou do pai, nai ou titor

AO ALCALDE-PRESIDENTE DO CONCELLO DE MURAS

Sr. Alcalde:

Estas bases xa foron aprobadas este ano pero houbo un problema aí cos prazos e entonces volvémolas a traer. Son as mesmas bases , bueno o outro día xa falamos con Danilo, e votamos a súa aprobación. Todos votos a favor da aprobación das bases convocatoria axudas estudantes ano dous mil dezasete - dous mil dezaoito.

O Concello en Pleno, en votación extraordinaria por seis votos a favor, acordan a aprobación das bases convocatoria axudas estudantes ano dous mil dezasete - dous mil dezaoito.

E non habendo mais asuntos que tratar o Sr. Presidente levantou a sesión ás dezanove hora e once minutos, da que se estende a presente acta que asina comigo, de todo o que, como Secretaria dou fe

O PRESIDENTE

A SECRETARIA

Acta de reunión de pleno ordinario
Municipalidad de Mura
16 de junio de 2017

